

Newspaper	Utusan Malaysia
Date	4 June 2015

Najib simpati tragedi feri karam di China

KUALA LUMPUR 3 Jun – Datuk Seri Najib Tun Razak melahirkan rasa simpati terhadap keluarga mangsa-mangsa tragedi feri karam di Jiangli, Shanghai, China.

Menurut Perdana Menteri, insiden yang berlaku di Sungai Yangtze itu amat menghibakan berikutan jumlah besar nyawa yang terkorban.

“Berasa sedih berikutan kehilangan banyak nyawa dalam bencana feri China. Ingatan dan doa saya kepada ahli-ahli keluarga dan sahabat-sahabat mangsa,” katanya

um-4/6/2015
dalam satu kenyataan di laman Facebook miliknya.

Sebanyak 440 orang penumpang hilang manakala enam orang disahkan terkorban selepas feri yang dinaiki mereka karam dalam ribut di Sungai Yangtze, China, kelmarin.

Insiden feri karam itu disifatkan yang terburuk dalam tempoh 70 tahun di China dengan feri berkenaan dilaporkan membawa sebanyak 458 penumpang, kebanyakannya pelancong warga emas.